



Broj predmeta: 02-000049/20
Broj akta: 01.11-1141SM-053/20
Datum, 23.3.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.11-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane 11. sjednice Štaba koja je održana telefonskim putem, komandant Štaba, gradonačelnik Brčko distrikta BiH dana 23. 3. 2020. godine i z d a j e

N A R E D B U

O POSTUPKU ANGAŽOVANJA VOLONTERSKIH ORGANIZACIJA, GRUPA GRAĐANA I POJEDINACA ZA POMOĆ STANOVNIŠTVU

Član 1.

Sve organizacije, grupe građana i pojedinci koji su dobrovoljno spremni da pomognu stanovništvu putem vršenja aktivnosti (podjele hrane i dezinfekcije) moraju se obratiti Odjeljenju za javnu sigurnost Vlade Brčko distrikta BiH radi vođenja evidencije.

Član 2.

Odjeljenje za javnu sigurnost Vlade Brčko distrikta BiH će sve takve organizacije, grupe građana i pojedince uputiti na Crveni krst/križ Brčko distrikta BiH, koji će izvršiti upute, obuke i objašnjenja, te upoznati ih s procedurama.

Član 3.

Nakon izvršene obuke Krizni štab za zaštitu i spašavanje Brčko distrikta BiH može izdati potvrde za izvođenje određenih aktivnosti za sve registrovane organizacije, grupe građana i pojedince.

Član 4.

Organizacije, grupe građana i pojedinci koji dobiju potvrdu iz člana 3. ove naredbe mogu vršiti aktivnosti na terenu, s tim da imaju obavezu jednom dnevno, najkasnije do 17.00 sati, Crvenom krstu/križu Brčko distrikta BiH dostaviti spisak izvršenih aktivnosti. Spisak će sadržavati ime i prezime korisnika, broj lične karte i vrstu aktivnosti sa specifikacijama.

Član 5.

Zabranjuju se sva politička i stranačka obilježja iz člana 1. ove naredbe.

Član 6.

U slučaju pojačavanja restriktivnih mjera Krizni štab za zaštitu i spašavanje Brčko distrikta BiH može svim organizacijama, grupama građana i pojedincima ukinuti ranije izdate potvrde.

Član 7.

Ova naredba stupa na snagu danom donošenja, a objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Uredu gradonačelnika / Inspektorat
6. Policiji Brčko distrikta BiH
7. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
8. Ministarstvu sigurnosti BiH – Granična policija BiH
9. Institucijama Brčko distrikta BiH (8x)
10. Javnim preduzećima, fondovima i zavodu (7x)
11. Sekretaru Vlade (3x)
12. „Službenom glasniku Brčko distrikta BiH“
13. Arhivi.

GRADONAČELNIK

Mr. sc. Siniša Milić